



亭林詩集目錄

卷之一

崑山顧炎武寧人著



大行哀詩

感事 六首

京口即事 二首

京闕篇

金陵雜詩 五首

千里

秋山 二首

表哀詩

十二月十九日奉先妣藁葬

延平使至

海上 四首

不去 三首

賦得老鶴萬里心

贈顧推官咸正

大漢行

義士行

秦皇行

墟里

塞下曲 二首

海上行

哭楊主事廷樞

推官二子被難 二首

淄川行

哭顧推官

哭陳太僕子龍

十月二十日奉先妣葬於先曾祖兵部侍郎公墓之左

墓後結廬三楹作

精衛

哭興行贈歸高士祚明

賦得越鳥巢南枝

賦得江介多悲風

擬唐人五言八韻 六首

常熟縣耿侯橘水利書

偶來

浯溪碑歌

寄薛開封案

將遠行作

京口 二首

石射堋山

春半

懷人

賦得秋鷹

八尺

桃花溪歌贈陳處士梅

瞿公子玄鎬將往桂林不得達而歸贈之以詩

卷之二

金壇縣南五里顧龍山上有高皇帝御題詞一

闕

重至京口

榜人曲 二首

流轉

秀州

恭謁孝陵

拜先曾王考木主於朝天宮後祠中

贈萬舉人壽祺 淮東

贈人 二首

同族兄存愉拜黃門公墓

贈路舍人澤溥 清江浦

丈夫 王家營

傳聞 二首

路舍人家見東武四先曆

再謁孝陵

恭謁高皇帝御容於靈谷寺

贈朱監紀四輔 監紀示遊粵詩

贈鄔處士繼思 昔有 二首

贈楊明府永言 送歸高士之淮上

贈劉教諭永錫 贈郝將軍太極

孝陵圖 十廟

金山 僑居神烈山下

古隱士 二首 真州

太平 蟻磯

江上 二首

久畱燕子磯院中有感而作

范文正公祠

錢生肅潤之父出示所輯方書

元旦陵下作 二首

常熟歸生晟陳生芳績書來以詩答之

贈路光祿太平 訓王生仍

永夜 訓陳生芳績

贈路舍人 贈錢行人邦寅

松江別張處士懋王處士煒暨諸友人

贈潘節士樞章 閏五月十日恭謁孝陵

王處士自松江來拜陵畢遂往蕪湖

桃葉歌 黃侍中祠

王徵君潢具舟城西同楚二沙門小坐柵洪橋

下 攝山

賈倉部必選說易 旅中

訓王處士九日見懷之作

送張山人應鼎還江陰

和陳生芳績追痛之作 二首

卷之三

元日 萊州

安平君祠 不其山

勞山歌 張饒州允掄山中彈琴

淮北大雨 濟南 二首

賦得秋柳 訓徐處士元善

登岱 謁夫子廟

七十二弟子

謁周公祠

謁孟子廟

賦得桔槔

張隱君元明園中仙隱祠

二首

濟南

自笑

訓歸戴王潘四子韭溪草堂聯句見懷

濰縣

二首

衡王府

督亢

京師作

薊州

玉田道中

永平

謁夷齊廟

寄弟紆及友人江南

三首

山海關

望夫石

昌黎

三屯營

恭謁天壽山十三陵

王太監墓

劉諫議祠

居庸關

重登靈巖

秋雨

與江南諸子別

天津

舊滄洲

再謁天壽山陵

送王文學麗正歸新安

答徐甥乾學

白下

重謁孝陵

贈林處士古度

贈黃職方師正

杭州

二首

禹陵

宋六陵

顏神山中見橘

三月十九日有事於攢宮

古北口 四首

五十初度時在昌平

北嶽廟

井陘

一鴈

堯廟

卷之四

元旦

霍山

書女媧廟

晉王府

贈傅處士山

又訓傅處士次韻 二首

贈陸貢士來復

詠史

李克用墓

五臺山

訓李處士因篤

雨中送申公子涵光

訓史庶常可程

汾州祭吳潘二節士

寄潘節士之弟耒

王官谷

蒲州西門外鐵牛

潼關

華山

驪山行

長安

乾陵

將去關中別中尉存枉於慈恩寺塔下

后土祠

龍門

自大同至西口 四首

孟秋朔旦有事于攢宮

贈孫徵君奇逢

訓程工部先貞

寄劉處士大來

朱處士彞尊過余於太原東郊贈之
屈山人大均自關中至

重過代州贈李子德在陳君上年署中
出鴈門關屈趙二生相送至此有賦

應州 二首
重至大同

得伯常中尉書却寄并示朱烈王太和二門人
淮上別王生略
贈蕭文學企昭

曲周拜路文貞公祠
德州過程工部

過蘇祿國王墓
赴東 二首

子德李子聞余在難特走燕中告急諸友人復
馳至濟南省視于其行也作詩贈之

樓桑廟

三月十二日有事于櫓官同李處士因篤
贈李貢士嘉時年八十

邯鄲
邢州

自大名至保定子德已先一月西行賦寄

亾友潘節士之弟未遠來受學兼有投詩答之
一首

述古

德州講易畢奉東諸君

輓殷公子岳

寄張文學昭時淮上有築堤之役

雙鴈

夏日 二首

秋風行

靜樂

太原寄王高士錫闡

孟縣北有藏山云是程嬰公孫杵臼藏趙孤處
讀李處士顯襄城紀事有贈

寄楊高士瑀

齊祭器行

題李先生矩亭

瓠

土門旅宿

燕中贈錢編修秉鐙

先妣忌日

哭程工部

有歎

哭歸高士

卷之五

廣昌道中

寄問傅處士土堂山中

與胡處士庭訪北齊碑

詠史

路光祿書來敘江東同好一時徂謝感歎成篇

過矩亭拜李先生墓下

潘生次耕南歸寄示

刈禾長白山下

歲暮

兄子洪善北來言及近年吳中有開淞江之役

書此示之

閏五月十日

過張貢士爾岐

送程工部葬

路舍人客居太湖東山三十年寄泚代東

孫徵君葬於夏峰僑寓太原不獲執紼適吳中

有傳示同社名氏者感觸之意遂見乎辭
漢三君詩 三百

楚僧元瑛談湖南三十年來事作四絕句

賦得簷下雀

薊門送李子德歸關中

李生符自南中歸樵李三年矣追維壯遊兼示
舊作 二月十日有事于櫓宮

贈獻陵司香貫太監宗

陵下人言上年冬祭時有聲自寶城出至稜恩

殿食頃止八皆異之 過郭林宗墓

介休 介之推祠

霍北道中懷關西諸君

河上作

雨中至華下宿王山史家

過李子德 四首

阜帽

采芝

寄李生雲露

春雨

寄二三處士被薦者

井中心史歌

夏日

梓潼篇贈李中孚

和王山史燕中對菊詩

關中雜詩 五首

過朝邑王處士建常

寄子嚴

寄次耕

次耕書來言時貴有求觀余所著書者答示
雲臺觀尋希夷先生遺跡

碓石驛東有西鵝路至臨汝築垣封閉有題
雜陽

三月十九日行次嵩山會善寺

少林寺

嵩山

測景臺

卓太傅祠

梁園

海上

五嶽

贈張力臣

子德自燕中西歸省我于汾州天寧寺

寄次耕

三首

歲暮西還時李生雲霑方讀鹽鐵論
送康文學乃心歸邵陽

友人來坐中口占二絕

送李生南歸寄戴笠王錫闡二高士

訓族子

朱處士鶴齡寄尚書埤傳

哭李侍御灑溪先生模

華下有懷顧推官

華陰古蹟 二首

悼亾

五首

冬至寓汾州陽城里中尉敏浮家祭畢而飲有
作 二首

贈衛處士蒿

寄題貞孝墓後四柿

訓李子德 二十四韻

贈毛錦銜

亭林詩集目錄終

亭林詩集卷之一

癸亥六月用鈔本蔣山備詩集校補闕字

大行哀詩

已下闕 逢君灘 順治元年

神器無中墜 洪明乃嗣興
紫蜺迎劔滅 丹日御輪升
景令殷王及 罌符代邸膺
天威寅降鑒 衽武肅丕承
采亞昭王儉 盤桓象帝兢
澤能回夏暘 心似涉春冰
世值頽風運 人多比德朋
求官逢碩鼠 馭將失饑鷹
細柳今年急 萑苻歲歲增
關門止鐵牡 路寢泄金滕
霧起昭陽鏡 風揮甲冑登
已占伊水竭 真邁杞天崩
道不窮仁聖 時危恨股肱
哀同望帝化 神想白雲乘
祕識歸新野 羣心望有仍
小臣王室涼 丘路吳橋陵

太玄經紫蜺喬雲朋圍 墨子堯舜禹湯文武之事書於竹帛鏤之金石
琢之盤石 後漢書崔駰傳 漢書五行志木沴金成帝元延元年正月

長安章以門門牡自凶函今謂大門牡亦凶凶師古曰牡所以下開者也以藏為之 庚信古 江南賦序袁安之母念王室自然流涕

感事

武帝求仙上天茂陵遺事只虛傳于官白服皆臣子孰如蘇主北海邊 一旦傳烽到法宮罷朝辭廟亦匆、御衣却有丹書字不是當年稽侍中 鈔本在大行哀詩後

日角膺符早天枝主鬯臨安危宗社計擁立大臣心
舊國仍三亳多方有二斟漢災當百六人未息謳吟
縞素臨先帝春秋大復讐告天傳玉冊哭廟見諸侯
訃令屯雷動恩波解澤流須知六軍出一掃定神州
上宗承正命專征指大江出關收漢卒分陝寄周邦
日氣生玄甲雲祥下赤幢登壇推大將國士定無雙
尚錄文侯命漢虞雒邑東千秋懸國恥一旦表軍功
躡鞠追名將乘軒比上公君王冬倚託先與賦彤弓

蘇子瞻書得曰予讀文侯之命篇知東周之不復興也宗國傾覆禍敗極矣平王宜若衛文公越句踐然其書乃旋旋焉與平康之世無異春秋傳曰

厲王之禍諸侯釋位以間一政宣王有志而後效官讀文侯之命知平王之無志也 中記票騎傳其在塞外卒乏糧或不能自振而票騎尚穿域躡鞠為賦湛露及彤弓不辭又不答賦

青田下郊宮寂春苑 苑籞荒陵邊屯牧馬闕下駐賢王

紫雲連玄菟 更河界白羊輿圖猶在眼 涑淚已霑裳

中記劉敬傳曰昔構頌王去長安近 中記票騎傳其一日一夕可以至

自昔南朝地常稱北府 雄六軍多壘日萬國鼓鞞中
聽律言非吉焚旗火乍紅 恐聞劉展亂父老泣江東

六月壬午督白樓 王與江兵 關於鎮江西門外焚民居數百家

周禮大師執同律以聽軍聲而詔吉凶 左傳僖十五年火焚其旗 通鑑 唐肅宗紀安史之亂丘不及江淮及劉展下田神功討平之其民始罹荼毒矣

傳聞阿骨打今已入燕 山表幕諸陵下狼烟六 郡間邊軍嚴不發釋 仗去空還一上江樓望 黃河是玉關 鈔本有此詩乃第五 首之初稿也

京口即事 已下 蒙作 二年

白羽出揚州黃旗下石頭六雙歸鴈落千里射蛟浮
河上三軍合神京一戰收祖生多意命毒稂正中流
大將臨江日中原望捷時兩河通詔旨三輔急王師
轉戰收銅馬還兵飲月支從軍無限樂早賦仲宣詩

宋史綱傳請於河北置北撫司河東置經制司擇有材畧者為之使宣諭天子德所以不忍棄兩河於敵國之意後漢書光武紀擊銅馬於鄴悉將降人分北諸

京闕篇

王氣開江面山河拱舊京德過灑水卜運屬阪泉正
赤縣疏封濶黃圖映日明秩猶分漢尹丞尚薦周牲
闕道紆金輅郊宮佇翠旌山陵未掖近府寺後湖清
國運方多難天心會一更神州疑逐鹿率土駭犇鯨

號略旗初仆函關鼓不鳴遂令纏大角無復埽欃槍
合殿焚丹戶金城落畫甍銜哀遺梓枿泣血貫宗祏
頃丕時須聖坎理必亨望雲看五采候緯得先贏
渡水收萍實白龜兆大橫舊邦回帝省耆俊式王楫
曆旦周正月田踰夏一成雅應歌吉日民喜復盤庚
毓德生維嶽分猷降昂精朝稱元老壯國有丈人貞
密切營三輔恢張頓八紘塘周淮口柵山繞石頭城
未蕩封豨梗仍潰穴氣爭師從甘野誓人雜渭濱耕
四冢懸虫戮千刀待莽烹柳書依玉勒花發韻金鉦
黃石傳三畧條侯總七營虎頭雙劍白雲一弓驛
會見妖氛淨旋聞阮囊千載靈歸武烈伊減築文聲

禮洽封山玉音諧降鳳笙配天歸舊物復國紀鴻名
曉集僊庭鷺春遷入谷鶯尊師生太學訟必延英
側席推干鼎回車載釣璜在陰來鶴和刻石起魚鏗
念昔掄科日三陪薦工行帝鄉秋愴况天闕歲崢嶸
賦客餘枚叟文才後一頁生飲泉隨渴鹿攀徑落危魁
再見東都禮尤淡上固情百僚方勸進父老盡來迎
宿駕皆歎鴻干取竝禁兵乾坤恩澤大雷雨氣機盈
草綠西州晚雲彤北闕晴法宮瞻斗柄列館望金莖
玉帛塗山會卑詩雜色程海槎天上隔陽卉日邊榮
對策年猶少尊王志獨誠小臣輕彩筆幾欲擬張衡

史記天官書大角者天王帝廷杜子美詩大角纏兵氣顏延之呈太子經
奠詩時也必享運蒙則正唐書隋大業十三年六月鎮星羸而旅於參參

唐星也李淳風曰鎮星主福未當居而居所宿國吉書文侯之命罔或者
壽俊在厥照史記殷本紀帝盤庚之時殷已都河北盤庚渡河南復居成
湯之故居建康志柵塘在秦淮上通古運漕其錄注吳時夾淮立柵勢如
塘梁天監九年新作緣淮塘北岸起頭迄市治南岸起後治柵門迄三橋
作兩重柵皆施行馬呈覽曰虫尤豕在東平郡壽張縣關中高七丈民
常一月祀之有氣出入如匹絳帛民名爲虫尤其肩髀冢在山陽郡鉅野
別矣之漢志在易美詩四家磔虫尤千刀刺王莽梁元帝藩
難未靜述東詩金鉦貝渚宮劉敬叔異苑曰晉武帝時吳郡臨平岸崩出
一石鼓打之無聲以問張華華曰可又蜀中桐材刻作魚形扣之則鳴於是
如言聲聞數十里班固東都賦發鯨鯨
怪鐘魚照舞鶴賦歲崢嶸而愁暮

金陵雜詩

江月懸孤影還窺李白樓詩人長不作千載尚風流
塢壁三山古池臺六代幽長安佳麗日夢繞帝王州
春雨收山半江天出翠層重聞百五日遙祭十三陵
祝版書孫子祠官去令丞西京遺廟在灑掃及冬丞

天居宜壯麗考室自宣王地即周灋右規因漢未央
水衡存物力司隸識朝章父老多垂涕

正殿虛椒寢蒼生望母儀國風思窈窕小雅夢熊羆
中使頻傳勅臺臣早送規願聞姜后戒仍及會朝時

漢書上欽傳佩玉宴鳴關睢歎之知好色之伐性短年天子將蒙化陵夷而成俗一收詠淑女幾以配上列女傳周立姜后賢而有德宣王嘗早臥而多之後夫不出於房姜后既出乃脫簪珥待罪於永巷使其傳母通言於王王復姜后而勤於政事早朝安退繼武之迹興周室之美詩會且歸

記得尚書巷石官舍所在于今六十年功名存駕部先公

白水偏侍郎遺石在過此一悽然有祠在朝公宮樹向烏衣直門臨

古樂府青溪小姑曲開門白水側近橋梁唐書薛元超為中書舍人弘文館學士兼修國史中書省有一盤石元超祖父道衡為內史侍郎嘗據草

制元起每見此石未嘗不泫然流涕

千里

千里吳封大三州震澤通戈矛連海外文檉動江東

王子新開印行軍舊總戎登壇多忼慨誰復似臧洪

後吳晉臧世專陳留太守張邈與諸牧守太會酸棗設壇場將盟既而更相齟齬臧最先登成共推洪洪乃攝衣十壇操血而盟辭氣忼慨聞其言者無不歎

秋山

秋山復秋山秋雨連山殷昨日戰江口今日戰山邊

已聞石甄潰復見左拒殘旌旗埋地中梯衝舞城端

一朝長平敗伏尸徧岡巒北云三百餘河好紅顏

吳口擁橐駝鳴笳入燕關昔時鄢郢人猶在城南間

漢書李陵傳於是盡斬旌旗入參質埋地中 晉書慕容超載記使送吳口
千人 戰國策雍門司馬謂齊王曰鄢郢之八夫不欲爲秦而在城南下者
數以百

秋山復秋水秋花紅未已烈風吹山岡燐火來城市
天狗下巫門白虹屬軍壘可憐壯哉縣一旦生荆杞
歸元豎大夫斷脰良家子楚人固焚麋庶幾歆舊祀
台感棲山中國人能致死歎忘思古人存亾自今始

主傳元五年吳師居麋子期將焚之西曰父兄親暴骨焉不能收又焚之
不可子期曰國公矣死者若有知也可以歆舊祀豈憚焚之焚之而後戰

表哀詩

晉孫綽表哀詩其序曰余以薄祜風遭閔凶天覆既淪俯憑坤厚
豈悟一朝復見孤棄不勝哀號作詩一首敢冒諒闇之譏以申罔極
痛之

龜勉三遷久間關百戰滋生慚毛義檄死痛子輿衾

荻字書猶記斑衣舞尚尋淒其天步蹙荏苒歲華侵
密葉凋秋氣貞柯落夜陰國書公父訓女史大家箴
未已還問望仍留恤緯心霜催臨穴旋風送隔鄰砧
白鶴非新表十月鳥即舊林欲求防墓處戈甲滿江津

列女傳王孫賈言女莫出而不還則吾倚問
而望六令事王王出走女不知其處女尚何歸

十二月十九日奉先妣某葬

婁縣百里內牧騎過如織土人每夜行冬淡月初黑
扶柩已南來幸至先人域合葬亦其時倉卒未可得
停車就道右丘也聞日食魂魄依祖考即此幽宮側
三年卜天道墓檀成以直龜勉臣子心百裏亦焉極
悲風下高原父老爲哀測其旁可萬家此意無人識

先生詩中忌諱字多
以韻目代之虞者胡也
冬虞者句奴也虞者
旁也支者美也鈔本
皆如是此本亦間有存
者

禮記曾子問孔子曰昔者天子之老聃助葬於巷黨及垣日有

食之老聃曰丘止極就者右止哭以聽變正明反而后行

李定自述平歸已滿三年

兆閣茂

春風一夕動三山使者持旌出漢關萬里干戈傳御
札十行書字識天顏身置絕塞援袍伍夢在行朝執
戟班一聽綸言同感激收京遙待翠華還

海上

日八空山海氣侵秋光千里自登臨十年天地干戈
老四海蒼生痛哭淡水湧神山來白鳥雲浮仙闕見
黃金此中何處無人世祇恐難酬烈士心
滿地關河一望哀徹天烽火照石臺名王白馬江東
去故國降幡海上來去奈望雲空陽鳥散冶山天遠朝

風迴樓船見說軍容威左次猶虛授鉞才

隋書五行志梁大同中童謡曰青絲白馬壽陽
來其後侯景破丹陽乘白馬以青絲爲馬勒

南營乍浦北南沙終古提封屬漢家萬里風煙通日
本一軍旗鼓向天涯去夏誠國公劉孔
召自扁山入海口樓船已奉征蠻勅博
望空乘汎海查愁絕王師看不到寒濤東起日西斜
長看白日下蕪城又見孤雲海上生感慨河山追失
計艱難戎馬發深情埋輪拘鐵周千畝蔓草枯楊漢
二京今日大梁非舊國夷明愁殺老侯嬴

楚辭九歌埋兩輪兮繫
馬尉繚子拘矢折矛

不去

不去圍城擁短轅棲妻猶自向平原此心未忍輕三

平願見平垣盡一言

落日江津送伍員秋風隴上別徐君偶
公此下逢

石便到山中臥白雲

欲投海島問田橫却恨三齋路不平記作安平門下

客當志曾見火牛兵

賦得老鶴萬里心用心字

何六千歲鴻忽下九臯音一自來凡境推顏已至今
臨屆時獨舞警靈亦長吟乍識人民異還悲歲月侵
早寒江上笛秋急戍樓砧木落依空沼雲多失舊林
三株天外冷甲子世間淡尚想蓬萊曉終思弱水陰
神州迷再舉碧落香二尋多少乘軒者知同一寸心

埤雅鶴性警至八月白露降流公草木上點滴有聲因即高鳴相警移徙所宿處慮有變害也楚辭惜誓黃鵠之一舉兮知山川之紆曲再舉兮知天地之圓方

贈顧推官咸正

巴下疆國大淵獻

四年

上郡天北門一垣接羗氏當年關中陷九野橫虹霓

日光不到地哭帝蒼山蹊君持蘇生節冒死決蒺藜

渾刀斬賊徒一炬看燃臍東^胡虞勢薄天少梁色悲悽

遂從昔冠歸間關策青驪豈知杲卿血已化哀鴉啼

弟錢塘知縣咸建

未敢痛家讐所念除鱷鯢有懷託桑榆焉得

巖下棲便蹴劉司空夜舞愁荒鷄春水濕樓船湖上

聞鉦鼙勾吳古下國難與秦風齊却望^古童間山高

別馬嘶天子哀忠臣臨^古汗降紫泥高景既分符汾陰

亦執珪如君俊拔士久宜侍金閨會須洗中原指顧
安黔黎

顏延之和謝監靈運詩詢帝蒼山蹊漢光武賜馮異詔曰可謂失之東隅收之桑榆漢書周勃死榮陽乃拜其弟言為御史大夫後以功封汾陰侯苛子成以父死事封高景侯

六漢行

大漢傳世十二葉祚移王莽歸居攝黎元愁苦盜賊
生次第詣劉興宛葉一時併起實倉皇國計人心多
未協新市將卑憚伯升遂令三輔重焚劫指揮百二
歸蕭王一統山河成帝業吁嗟帝王不可圖長安天
子今東都隗王白帝何為乎扶風馬生真丈夫

漢書賈誼傳高皇帝與諸公併起師古曰併音步鼎反

義士行

飲此一杯酒浩然思古人自來三晉多義士程嬰公
孫杵臼無其倫下宮之難何倉卒賓客衣冠非舊日
袴中孤兒未可知十五年後當何時有如不幸先朝
露止恨悠悠誰與訴一心立趙事竟成存亡死生非
所顧嗚呼趙朔之客真奇特八主之尊或不能得獨
有人兮長歎空山側

秦皇行

秦肉六國啖神州六國之士皆秦讐劍一發亡荆軻
筑再舉誅漸離博浪沙中中副車倉海中人無奈何
自言王者定不死豈知天意亡秦却在此隕石化山

鬼言天意茫茫安可論
蘇未出監上郡始皇不死
讐人刃

楊子法言始皇方斧將和方刀六國方木將和方肉漢書張良傳東且倉海君管灼曰海也

墟里

昔有周大夫愀然過墟里
時序已三遷沈憂念方始
乃知臣子心無可別離
此自經板蕩餘一再見桃李
春秋相代壇激疾不可止
慨焉歲月去人事亦轉徙
古制存練祥變哀固其理
送終有時既長恨無窮已
豈有西向身未昧王哀旨
眷言託風人言盡愁不弭

楊惲報孫會宗書君父至尊親也送其終也有時而既

塞下曲

趙信城邊雪化塵
紇干山下雀呼春
即今三月鶯花滿
長作江南夢裏人

史記衛將軍驃騎傳遂王寘顏山趙信城五代史寇彥鄉傳紇干山頭凍死雀何不飛去生處樂梁丘遲與陳伯之書暮春三月江南草長雜花生樹羣鷺亂心

一從都尉生降去
夜夜魂隨塞鴈蘆
陛下寬仁多不殺
可能生入玉門無

史記三將軍遺韓王信書曰陛下寬仁諸侯雖有畔心而復歸輒復故位號不誅也

海上行

大海天之東其處有黃金之宮
上界帝子居其中欲往從之
水波雷駭幾望見之以風爲解
福至彼止王不來至今海上人
時見城郭高崔嵬鼉鼉噴沫聲

如宮商日月經之以為光明或言有巨魚身如十洲
長幾化為龍不可當一旦失水愁徬徨其真之鯤有
耶無耶又言海中之棗大如瓜棗不實空開花但見
鯨魚出沒鑿齒磨牙昔時童男女一去不回家東浮
大海難復難不如歸去持魚竿

史記大宛傳贊日月所相避隱為光明也 晏子
春秋景公問晏子曰東海之中有棗華而不實

突場主事廷樞

吳下多經儒初君實宗匠方其對策時已負人倫望
未得侍承明西京俄淪喪五馬遂南來汪黃位丞相
幾同陳東獄幸遇明主放牧馬飲江南真龍起芒碭
首獻大橫占竝奏北邊狀手詔曰朕甚感
楊廷樞言對是日天顏迴喜

氣浮綵仗御筆授二官天墨春俱盎

擢兵部主事
兼監察御史

魚麗筮

澤兵烏合松陵將滅跡遂躬耕猶為義聲唱松江再

蹉跌搜伏窮千嶂竟入南冠囚一死神慨恍往秋夜

中論指事竝寸張我慕凌御史

凌

倉卒當絕吮齊蠋

與楚龔羽期各風尚君今果不食天日情已諒隕首

蘆墟村噴血胥門浪唯有大節存亦足酬帝貺灑涕

見羊曇名野
衛向停毫默悽愴他日大鳥來同會華陰葬

推官二子執後欲為之經營而未得也而二子
死矣

生來一諾比黃金那肯風塵負此心不若白登詩未
解菲才端自媿盧諶

晉書劉琨作詩贈別駕盧湛川鳴門白登亭用以喻意謀素無奇畧以常詞酬和殊乖其心

蒼黃一夜出城門白刃如霜日色昏欲乞家中賣黃

犢松江江上去招魂

台樂府平陵東歸告我家賣黃犢

淄川行

張伯松巧為奏大纛高牙擁前後罷將印歸里中東國有兵鼓逢逢鼓逢逢旗獵獵淄川城下圍三匝圍三匝開城門取法一頭謝元元

漢書王莽傳張芝為劉嘉作奏請減安眾侯崇莽封嘉為師禮侯嘉子七人皆賜爵關內侯又封竦為淑德侯長安為之語曰欲求封過張伯松力戰鬪不如巧為奏

哭顧推官

推官吾父行世遠亾譜系及乎上郡還始結同盟契

崎嶇鞭弭間周旋僅一歲痛自京師淪王綱亦陵替

人懷分土心歎論縱橫勢與君共三人其一歸高士祚明獨奉

南陽帝誓麾白羽扇一掃天日翳君才本恢弘闊略

人事細一疏入人手幾墮旃裘睨乃有漢將隙因掉

三寸說主帥非其人大事復不濟君來就茅屋問我

駕所稅幸有江上舟請鼓鈴下柁別去近一句君行

尚畱滯二子各英姿文才比蘭桂身危更藏亾并命

一朝斃巢卵理必連事乃在詹皆一身更前却欲聽

華亭唳我時亦出亾聞此輒收袂扁舟不勸君行矣

不再計驚弦鳥不飛困網魚難逝日日追吏來君遂

見囚繫檻車赴白門忠孝辭色厲竟作戎首論卒踐
捐生誓倉皇石頭骨未從九原瘞父子兄弟間五人
死相繼嗚呼三吳中巍然一門第尚有五歲孫伏匿
蒼山際門人莫辨爨行客揮哀涕羣情佇收京恩卹
延後世歸喪琅邪家詔策中牟祭後死媿子源徘徊
哭江裔他日修史書猶能著凡例

元鑿取冰奔會稽至浙江蘇峻購之甚急吳鈴下卒引冰入船以蘧篚覆之
以爲鼓世以此而六後漢書李固傳門生王成將爨乘江東下伏隆傳
高隆中弟收收路良占占夫諱送喪事詔告琅邪作家

哭陳太僕

陳君鼂賈才文采華王國早讀兵家流千古在胸臆
初仕越州理一矢下山賊南渡侍省垣上疏亦切直

告歸松江上歛見牧馬逼拜表至行轅願請三吳救
詔使護諸將加以太僕職遂與章邯書資其反正力
幾事一不中反覆天地黑嗚呼君盛年海內半相識
魏齊亡命時信陵有難色事急始見求棲身各荆棘
君來引浦南我去荒山北柴門日夜扃有婦當機織
未知客何人倉卒具糲食一宿遂登舟徘徊玉山側
有翼不高飛終爲尉羅得恥爲南冠囚竟從彭咸則
尚媿虞卿心負此一悽惻復多季布柔晦迹能自匿
君出亡時尚僕從三
四人服用如平日 酌酒作哀辭悲來氣哽塞

史記季布傳諸公皆
多季布能摧剛爲柔

十月二十日奉先妣葬於先曾祖兵部侍郎公

墓之左

先考葬祖墓左四十年其左右泚形家或言
兆有水是歲將合葬我母三族皆爲炎武難
之炎武念先妣之治命不可以不合葬而四
十年之藏又不可以遷萬一有水又不可以
徑情而遂葬遲回者久之及啓壙竟無水訖
事無風雨昔重光大荒落之歲葬先王父既
相奠火作於門里人救之遂熄念吾先人積
德累仁固不當有水火之蓄陰陽之咎而不
孝一人所遇之不幸如此天之不遂棄之而
曲全之又如此是可以忘先人之志哉

王季之墓見水齧宣尼封防遭甚雨我今何幸獨不
然或者蒼天照愁苦昔我先臣葬於此神宗皇帝賜
之墓一區六十年間事反覆到今陵谷青糝糊止存
松楸八百樹夜夜宿鳥還相呼行人指點侍郎冢成
卒不敢來樵蘇乃知天朝恩寵大易世猶與凡人殊
天道回旋改寒燠公侯子孫久必復歲月日時共五
行先公葬亦以歲丁亥月辛亥日丁亥時辛亥前岡後舍分昭穆皇天下監臣子
心環三百里無相侵先皇弓劍橋山岑山多虎豹江
水溪欲去復止長哀吟

國語越王命環會稽三千里以爲范蠡池曰後世子孫有敢
侵蠡之地者使無終沒於越國皇天后土四鄉地主正之

墓後結廬三楹作

偉元居城陽簡之在丹徒古人廬墓有至意獨我未
得心煩紆東西南北亦人子豈知天路還崎嶇奮矛
躍馬一到此營地半畝先人隅築室三楹戶南向前
對日月開規模舊栽松樹無觸鹿惟有老栢銜悲枯
憶昔曾蒙至尊詔共姜名字懸三吳至今東平冢上
木枝枝西靡朝皇都爾來天地春意絕不見君父重
嗚呼一身去國無所泊類此鴻鴈三秋徂陰風怒號
白日孤吁嗟此室千年俱

晉書殷仲堪為桓之所害子簡之葬於丹徒遂居墓側後率私僮客隨義軍
躡桓立立死簡之食其肉 魏書傅永嘗登北邙山奮稍躍馬回旋瞻望有
終焉之志遂買左右地數頃遺勅子叔偉曰此吾之永宅也 晉書許孜於
墓所列植松栢巨五六里時有鹿犯其松栽孜悲歎曰鹿獨不念我乎明日
忽見鹿為猛獸所殺 舊唐書褚無量傳丁憂廬於墓側其所植松栢有鹿
犯之無量泣而言曰山中衆草不少何忍犯吾先塋樹哉因通夕守護俄有

羣鹿馴狎不復侵害 晉書王裒常至
墓所攀栢悲號涕淚著樹樹為之枯

精衛

萬事有不平爾何空自苦長將一寸身銜木到終古
我願平東海身沈心不改大海無平期我心無絕時
嗚呼君不見西山銜木衆鳥多鵲來燕去自成窠

吳興行贈歸高士祚明

北風十二月遊子向吳興榜人問何之不言但沾膺
三年干戈暗鄉國有兄不得歸瑩域高堂有母兒一
人負米百里傷哉貧此來海虞兩月日裁得白金可
半鎰歸來入門不暇餐直走山下求兄棺湖中雪滿
七十峰江山對君凝愁容冬盡月向晦慈親倚門待

果見兄骨歸心悲又以喜如君節行真古人一門內
外唯孤身出營甘旨入奉母崎嶇州里良苦辛君向
余太息此事不足言遙望天壽山猶在浮雲間長歎
未及往塵沙沒中原神州已陸沈菽水難爲計豈無
季孫粟義不當人惠世無漢高帝餓殺韓王孫寧受
少年侮不感漂母恩時人未識男兒面如君安得長
貧賤讀書萬卷佐帝王傳檄一紙定四方拜爵萬戶
侯還歸奉高堂窮冬積陰天地閉知君唯有袁安雪

世說王悅之少稱清操爲吏部郎時鄰省有會同者遺之餅一甌辭不受曰所費誠復小小然少來不欲當人之惠

賦得越鳥巢南枝用枝字

已下著
雍困敦五年

微物生南國浚情繫一枝寒風羣拉沓落日羽差池

繞樹飛初急尋柯宿轉遲懸冰驚趾滑集霰怯巢危
路入關河夜思縈嶺嶠時山川知夙性天地識恩私
向日心常在隨陽願未虧寄言幽谷友勿負上林期
賦得江介多悲風用風字

素節乘雲夢清秋下渚宮哀音生地籟激楚入天風
落鴈過山急寒蟬抱樹空傷心千里目愁絕百年中
郢路元依北江關久向東有人宗國淚何地灑孤忠

華陽國志巴楚相攻伐故置江關陽關後
漢書岑彭傳公孫述遣將乘枋筭下江關

擬唐人五言八韻

申包胥乞師

后尾垂天謫亾人
碁寇兵舟師通大別
獵火照方城

九縣長蛇據三關鑿齒橫君王親草莽微命託宗枋
才于終南近間關繞雷平張旌非聘客躡屩一書生
雀立庭柯瞑猿啼夜柝驚秦車今已出誓死必存荆

漢書王莽傳繞雷之固南當荆楚那處曰繞雷險之道師古曰謂之繞雷者言四面院塞其道屈曲谿谷之水回繞而雷也其處即今之商州界七盤十二繞是也儀禮聘禮及竟張旌戰國策七日而薄秦王之朝雀立不轉晝吟宵哭

高漸離擊筑

神州移水德故鼎去山東斷霓夫人劔殘煙郭隗宮
身畱烈士後跡混市兒中改服心彌苦知音耳自通
沈淪餘技藝忼慨本英雄壯節悲遲晚羈魂迫固窮
一吟遼海怨再奏薊丘風不復荆卿和袞哉六國空
班定遠投筆

少小平陵縣蕭然一布衣讀書傳父業握管上皇畿
太乙藜初降蘭臺露未晞生涯憑筆札甘旨爲慈闈
忽見天弧動聊將電鈇揮丁闐迎轡勒疏勒候旌旂
凍磧軍營轉秋山捷奏飛封侯來萬里老見錦衣歸

本傳嘗爲官傭書行詣相者曰祭酒布衣諸生耳而當封侯萬里之外

諸葛丞相渡瀘

火山橫日幕銅澗亘天微亂樹雲南國交繩棘外橋
枕戈穿徧仄帶甲上岌巖地汁生淫霧流煙入斗杓
七擒依算略一戰定蠻苗信洽炎荒永恩宣益部遙
淡思危大業隆眷切先朝更有親賢表宮廷告百僚

漢書佞辛傳註師古曰東北謂之塞西南謂之徼五經通義陰亂則爲霧從地汁也楚辭大招霧雨淫淫白皓膠只

祖豫州聞雞

萬國秋聲靜三河夜色寒星臨沙樹白月下戍樓殘
擊柝行初轉提戈夢未安沈幾通物表高響入雲端
豈足占時運要須振羽翰風塵懷撫劔天地一征鞍
失旦何年補先鳴意獨難函關猶未出千里路漫漫

吳志周瑜傳使失旦之雞復得一鳴 左傳襄二十一年州綽曰臣不敏平陰之役先二子鳴

陶彭澤歸里

結駟非吾願躬耕力尚堪咄嗟聊綰綬去矣便投簪
望積廬山雪行淡渡口嵐芟松初作徑蔭柳乍成菴
甕盎連朝濁壺觴永日酣秋籬尋菊蕊春箔理桑蠶
舊德陳先祖遺書付五男因多文義友相與卜村南

常熟縣耿侯橋水利書

神廟之中年天下方全盛其時多賢侯精心在農政
耿侯天才高尤辨水土性縣北枕大江東下滄溟勁
水利久不修累歲煩零祭疏鑿賴侯勤指顧川原定
百室滿倉箱子女時昏聘洋洋河渠議欲垂來者聽
三季饒凶荒庶徵頻隔并誰能念遺黎百里嗟懸磬
况多鋒鏑驚早夜常奔迸上帝哀憫婺天行當反正
必有康食年河雒待明聖自非經界明民業安得靜
願作勸農官巡行比陳靖畎澮徧中原粒食詒百姓

後漢書陳忠傳天心未得隔并屢臻註隔并謂水旱不節也尚書曰一極備
以一極無凶并音必性反 郎顛傳歲無隔并大平可待 史記蔡澤傳夫
裂阡陌以靜生民之業而一其志 宋史食貨志至道二年太常博士直史
館陳靖上言農田事以請為京西勸農使按行陳許蔡穎襄鄧唐汝等州勸

民墾

偶來

偶來湖上已三秋便可棲遲老一丘赤米白鹽猶自足青山綠野故無求柴車向夕逢元亮款段乘春遇少遊鳥獸同羣終不忍轍環非是為身謀

南齊書周顒傳衛將軍王儉謂顒曰卿山中何所食顒曰赤米白鹽綠菜紫蓼

浯溪碑歌

萬曆元年先曾祖官廣西按察副使道浯溪得唐元次山中興頌石本以歸為顏魯公筆字大徑六七寸歷世三四此碑獨傳之山不肯歲旃蒙作噩命工裝潢為冊信工之能遂以付之工人不知碑自

左方起而以年月先之遂倒盤不可讀方謀重裝而兵亂工死不復問者三年碑固在舊識楊生所一旦為余重裝以來則文從字順煥然一新有感於先公之舊物不在他人而特屬之嗣人之稍知大義者又經兵火而不失且待時而乃成夫物固有不偶然者也為之作歌

昔在唐天寶祿山反范陽天子狩蜀都賊兵入西京肅宗起靈武國勢重恢張二載收長安鑾輿迎上皇小臣有元結作詩頌大唐欲令一代典風烈追宣光真卿作大字筆法名天下磨崖勒斯文神理遺來者

書過泗亭碑文匹淮夷雅畱此繫人心枝撐正中夏
先公循良吏海內推名德驅馬復悠悠分符指南極
遐眺道州祠流覽浯溪側如見古忠臣精靈感行色
匪煩兼兩載不用金玉裝攜此一紙書存之貯青箱
以示後世人高山與景行天運有平陂名蹟更存亾
寶弓得提下大貝歸西房舊物猶生憐何況土與疆
却念蒸湘間牧騎已如林西南天地窄零桂山水淡
岫巒大禹迹萬木生秋陰一峰號回鴈朝氣焉得侵
恐此浯厓文苔蘚不可尋藏之篋笥中寶之過南金
此物何足貴貴在臣子心援筆爲長歌以續中唐音

後漢書吳祐傳此書若成則載之兼兩穀
梁傳定九年得寶玉大弓惡得之得之堤下

寄薛開封宋君與楊主事同隱鄧尉山併被獲
或曰僧也免之遂歸常州

別君二載餘無從問君處蒼蒼大澤雲漠漠西山路
神物定不辱精英夜飛去只有延陵心尚挂姑蘇樹
他日過吳門爲招烈士魂燕丹賓客盡獨有漸離存

張協七命或馳名傾秦或夜飛去吳李善註
引越絕書闔廬無道湛盧之劍去之入楚

將遠行作猶全越

去秋闕東溟今冬浮五湖長歎天地間人區日榛蕪
出門多蛇虎局促守一隅夢想在中原河山不崎嶇
朝馳瀍澗宅夕宿轂函都神明運四極反以形骸拘
收身蓬艾中所之若窮途杖策當獨行未敢憚羈孤

願登廣阿城一覽輿地圖回首八駿遙悵然臨交衢

社于夫三子者猶存乎蓬艾之間後漢書鄧禹傳從至廣阿光武舍城樓上披輿地圖指示禹曰天下郡國如是今始乃得其一

京口

異時京口國東門地接畱都左輔尊囊括蘇松儲陸

海襟提閩浙壯屏藩漕穿水道秦隋跡壘壓江干晉

宋屯一上金山覽形勝南方亦是小中原

東吳北翟戰爭還天府神州百二關末代棄江因靖

鹵靖鹵伯鄭鴻達當年開土是中山雲浮鸛鶴春空遠水擁蛟

龍夜月閒相對新亭無限淚幾時重得破愁顏

石射棚山已下層維六年亦奮若

寒日欲墮石射棚環湖歷歷來漁燈山下蘄王宋時

墓屹然穹碑鎮山路太白天弧見角芒金山京口又

沙場爾來牧騎方深入帝在明州正待王

皇郡志靈巖山在城西三十里一名石射棚山

春半

春半雨不絕北風吹荒山江南花不開白日愁生寒

登高望千里苦霧何漫漫洪州七月匱糧盡力亦殫

營頭墮軍中旗纛沈江干漢道昔中微白水應圖記

晚世得先主亦作三分事干戈方日尋天時自當至

一身客荊州毫不以措意流離志不挫終然正神器

一朝得孔明可以託後嗣撫掌長太息且作南山歌

開篋出兵書日夜窮揣摩中原有大勢攻戰不在多

願為諸將言不省其奈何

漢書天文志書有雲氣如壞山墮軍上軍人皆厭所謂營頭之星也占曰營頭之所隨其下覆軍流血三十里 三國志註引漢晉春秋曰曹公自柳城還表謂備曰不用君言故為失此大會備曰今天下分裂日尋干戈事會之來豈有終極乎若能應之於後者則此亦未足為恨也 史記留侯世家良為他人言皆不省

懷人

秋風下南國江上來飛鳶江頭估客幾千輩其中別有東吳船吳兒解作吳中曲扣舷一唱悲歌續乍迴別鶴下重雲一叫哀猿隊淡木曲中山水不分明似是衡山與洞庭日出長風送舟去祇畱江樹青冥冥湘山削立天之角五嶺盤紆同一握欽峯七十有二峰紫蓋獨不朝衡嶽萬里江天木葉稀行人相見各

沾衣寄言此日南征鴈一到春來早北歸

杜子美望南嶽詩紫蓋獨不朝爭長嶺相望 蔡琰胡笳十八拍鴈南征兮欲寄邊聲鴈北歸兮為得漢音

賦得秋鷹

青骹初下赤霄空千里江山一擊中忽見晴臯鋪白草頓令涼野動秋風當時遂得荆文寵佐運終成尚父功試向平蕪看獵火六雙還在上林東

陳思王孟冬篇獵以青骹掩以修竿

八尺

八尺孤帆一葉舟相將風水到今秋曾來白帝尋先主復走江東問仲謀海上魚龍應有恨山中草木自生愁憑君莫話興亡事舊日長年已白頭

桃花溪歌贈陳處士梅


陶君有五柳更想桃花源山迴路轉不知處到今高
士畱空言太丘之後多君子門前正對桃花水嘉蔬
名木本先疇海志山經成外史曾作諸生三十年老
來自種溪前田四百甲子顏猶少有與疑年但一笑
有時提壺過比鄰笑談爛熳皆天真酒酣却說神光
始感慨決瀾不可止老人尚記為兒時煙火萬里連
江畿斗米三十穀如土春花秋月同遊嬉定陵龍馭
歸蒼昊國事人情亦草草桑田滄海幾回更只今尚
有遺民老語罷長謠更浮白七十年来似疇昔與君
同是避秦人不醉春光良可惜春非我春秋非我秋

惟有桃花年年開溪水年年流為君酌酒長無愁

左傳襄二十九年絳縣人或年長矣無子而往與於食有與疑年 史記封禪書老人為兒時從其大父識其處 詩勞人草草毛傳草草勞心也 郊祀歌日出入篇故春非我春夏非我夏秋非我秋冬非我冬

瞿公子玄錡將往桂林不得達而歸贈之以詩
不成南去又東還行盡吳山與越山萬里一身天地
外五年方寸虎豺間厓門浪拍行人舡桂嶺雲遮驛
使關我望長安猶不見愁君何處訪慈顏

亭林詩集卷之一終



Faint vertical text on the left page, likely bleed-through from the reverse side of the leaf. The characters are difficult to discern due to fading.

Right page of the manuscript, mostly blank with some faint markings and a dark, textured area near the top edge, possibly a stain or a piece of tape.

開禧 昭宗二年

聞道今天子中興自福州二京皆望幸四海願同仇滅虜須名將尊王仗列侯（美）方傳尺一不覺淚頻流

上吳侍郎陽 奉北闕書 三年

烽火臨瓜步鑿與出石頭蕃文來背府降表送蘇州親戰神人哭腥汗郡邑愁依山成斗寨保水得環洲
國士推司馬戎韜冠列侯師從黃鉞陳許用白衣舟曹注提刀日田單伏錡秋春旗吳苑出夜火越江浮
作氣湧先鼓爭雄必上游軍聲天外落地勢掌中收征虜投壺殿東山賭整優莫輕言一戰上客有良謀

元日 此當是昭宗五年作

一身不自若竟不遺靈塵且起肅衣冠如見天顏親天顏不可見臣意無由申伏念五年來王塗正崩淪
東走擾天經及以物為元戎今正之乃見天王春正朔雖未同變（美）有二人歲畫積陰閉玄雲結重垠是日
始開朗日出如車輪天造不假（美）行氣三辰人時不受（美）德遠萬民留此三姑朝歸我中厯君願言即六所
一掃用青受謝却吞天意九廟恭明禮大雅歌文王舊邦命維新小臣五何思（美）我皇祖仁下年尚未逾春言待曾孫

歲九月慶令代我墓柏二株

此昭宗五年作此年清明封墓樹即為此也

老柏生靈固本是蒼虬種何年從靈根幸託先臣整長持後凋節久荷君王寵歲月曠不相待漢時秦宮
一朝改創中流涕要名材乍擬相峙赴東海表丘中郎來符牒百道聲如雷所自識其靈湧與王正未片紙
持餘截此柏一樹東西推却仍別立盤阜苦行不辭君不見泰山之廟柏如鐵赤眉斫了膏火血我今此去為
船海汎口面吹青天秉性長滿正不敢作怪妖東流到桂棹日月相遊遊去為天上楠留作丘中檣傳与
松根莫歎傷莫嘆傷漢家西宮劫天下

